

Mbanjranz Mulauj Fungcingz Sam Nyied Sam Lwenqda

风情侬佬乡 别样三月三

Bineix “sam nyied sam Bouxcuengh” ndawde, Lozcwngz Mulajucuz Swciyen youq yienhsingz Minzcuz Vwnzva Gvangjangz、Cwngzlungzhuz Gunghyenz、ndoengfaex niemhngex gwnz raemx、mbanjgaeuq Sizveiz Cunh、Mbanjfunghvuengz Dunghmwanz Cin daengj ginggih gingdenj banh minzcuz conzdungj diyyuz hozdung caeuq minzsuz biujyenj miz Mulajucuz daegsaek.

Doengzseiz, aen yienh neix lij gaenxmaenx guh “ndwen minzcuz doxgiet cinbu senhconz” youq rogranz senhconz hozdung、Mulajucuz feihvuzciz vwnzva langhyienj、buhvaq langhyienj、minzcuz conzdungj dinfwngz haerj hagdangz、minzcuz doxgiet cawjdaez sawveh cozbij langhbaiz daengj.

(Mungz Cwnghsw/蒙增师)



▲ Angq diuq fouxfaexsaux.

► Doenghboux gyaex eu fwen haenx youq gwnz ciet sam nyied sam eu fwen.



▲ Eu fwen danq vutgungz.

Yungzsuij: Eu Fwen Banggungz Cienzgangj Vutgungz

融水:山歌唱扶贫 宣讲谈脱贫

4 nyied 21 hauh, Yungzsuij Myauzcuz Swciyen youq Minzcuz Diyyuz Gunghyenz gawjbanh “sam nyied sam” vutgungz gunggeng cawjdaez senhconz hozdung, doenggvaq eu fwen、miz ciengj camdap fuengsik senhconz banggungz cwngcwz, aeu cienzgangj fuengsik senhconz hoh vutgungz gij saehsaed gag baengh bonjfaenh, senhconz bang gaenx mbouj bang gik, siucawz deq、baengh、aeu swhsienj, gujli hoh gungzhoj aeu guh “gou aeu vutgungz、gou cingqcaih vutgungz、gou ndaej vutgungz”.

(Liu Swjyenh/廖子渊)

Vanzgyangh: Ciengq Yiengj “Liujlangzleh” Caemh Angq “Sam Nyied Sam” Bouxcuengh

环江:唱响“柳郎咧” 共庆壮族“三月三”

4 nyied 17 hauh, youq ndaw hag Vanzgyangh Mauznanzcuz Swciyen Daihngaih Siujyoz, daengx hag lauxsae hagseng daenj buhvaq minzcuz ngoenzciet, ciengq go “liujlangzleh” Mauznanzcuz, diuq foux mauhngex Mauznanzcuz, angqyangz doxdax diyyuz Mauznanzcuz, gwn giygwn ndei Mauznanzcuz, youq ndaw hag yienj ciengz heiq minzcuz gikcingz lwenqda ndeu, caemh angq “sam nyied sam” Bouxcuengh.

(Veiz Yui/韦睿)

► Hagseng caez ciengq “liujlangzleh”.



“Cietbeiyoh” Bouxcuengh Angqcoux Hek Betfueng

壮家“贝优节” 喜迎八方客



▲ Baiz doih eu fwen caj hek daeuj.

4 nyied 18 hauh, Baksak Si Yougyangh Gih Yangzhih Cin Bulinz Cunh sing fwen haprwenz, sing vunz gyukcauz. Aen mbanj neix banh “cietbeiyoh sam nyied sam” minzsuz vwnzva hozdung, yinx ndaej daengx guek hauilai hekyouz daeuj camgya.

Ngoenz haenx aen mbanj neix gyoengq Bouxcuengh beixnuengx yiengq gyoengq hekyouz langhyienj le cien vunz ciengq “dih Bulinz”、bak vunz boq mbawfaex yienjciengq “dih Bulinz”、dik lwggienq、caij maxfaex daengj Bouxcuengh daegsaek minzsuz hozdung.

Ciuq cam rox, “beiyoh” youq dangdieg Vahcuengh eiqsei dwg gyaunde. Bulinz Cunh dwg aen mbanj gaeuqgeq miz fungcingz minzsuz Bouxcuengh noengznwt he. 2014 nienz ndaej Swcigih Vwnzlenz an guh “Gvangsiah Minzcuz Vwnzyi Cunh”.

(Luz Gez/陆杰)